



Brev dato: 17-11-2025
Sagsnr. 2025 - 23153
Akt. nr. 25934363

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Inatsisartunut ilaasortaq
Pipaluk Lynge, Inuit Ataqatigiit

Nunanut allanut politikimut periusissiaq pillugu § 37 naapertorlugu apeqqt nr. 184-mut akissut

Asasara Pipaluk Lynge

Ulloq 23. oktober 2025 Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akineqartussanngorlugit innersuunneqarput.

- 1. Nunanut allanut politikimut periusissiaatta nutarternissaanut Naalakkersuisut qaqugu aggersaanissaq eqqarsaatigaat?**
- 2. Nunanut allanut politikimut periusissiaatta ukioq manna naammassinissaanut Naalakkersuisut pilersaaruteqarpat?**

Akissut:

Nunanut allanut politikimut periusissiaq ”Pineqartilluta ilaassaagut” 21. februar 2024-meersoq piffissamut 2024-2033 atuuttussatut suliarineqarpoq. 2025-mi Inatsisartunut qinersinerup kingorna periusissiaq Demokraatit, Inuit Ataqatigiit, Siumup Atassutillu naalakkersuisooqatigiinnermik isumaqatigiissutaanni ulloq 28. marts 2025-meersumi ingerlateqqinneqarpoq.

Periusissiaq suli naapertuuttutut Naalakkersuisut isigaa, taamaammallu nunanut allanut tunngasumik periusissiamik nutaarlunnarmik isumaqatigininninnissamik aallartitsissanatik. Nunarsuarmi pissutsit allanngorartuarput, taamaammallu ukiunut qulinut periusissiaq nunami maani nunanilu tamalaani politikikkut ineriartormik malinnaasunngorlugu ilusilerlugu suliarineqarpoq.

Periusissiali ilaasa attuumassuteqartut nunat tamat akornanni pissutsinik taakkulu Kalaallit Nunaannut sunniutaannik sillimmartaartuunerat qulakkeerniarlugu, taakku isummerfigeqqinnissaannik pisariaqartitsisoqarnera takusinnaavaat.

Suliaq aallartinneqarpat periusissiamik isumaqatigiissuteqartut nutarsaanermik ilusiliinermut akuliutsinneqassapput. Suliaq ukiup nikinnissaa sioqqullugu aallartinneqassasoq ilimagineqarpoq.

- 3. Danmarkip naalakkersuisuisa nunattalu Naalakkersuisutta akornanni Kalaallit Nunaat imminut napatittoq pillugu sinaakkutitut**

**isumaqatigiissummut tunngatillugu partiinik aggersaanissamik
Naalakkersuisut isumaliuteqarpat?**

Akissut:

Naalakkersuisut Siulittaasuut Danmarkimik sinaakkutitut isumaqatigiissut pillugu ulloq 3. oktober Aningasaqarnermut Akileraartarnermullu Ataatsimiititaliamik siunersioqatigineqarpoq. Ataatsimiinnermi tassani Naalakkersuisut Siulittaasuata isumaqatigiissutip atuutilersinneqarneranut atatillugu ataatsimiititaliap akuutinneqarnissaa neriorsuutigaa. Aningasaqarnermut Akileraartarnermullu Ataatsimiititaliap akuutinneqarnissaa taamaalilluni pilersaarutaavoq.

Inussiarnersumik inuulluaqqusillunga


Vivian Motzfeldt